



En pe bon lekzanp i a kapab ede

Pour bokou lannen, piblik Seselwa, espesyalman bann zanfan, in ganny bonbarde avek bokou propagann e bokou kanpanny in ganny fer pou enkilke bann valer familyal dan tou fanmir Seselwa. Napa ki gouvènmman pa'n fer pour met dan latet Seselwa nesosite pour annan bann fanmir solid me tousala in antre dan en kote zorey e sorti dan lot. I tre difisil pour zanfan viv en valer si zot pa vwar bann adilt pe viv sa valer dan zot lavi toulezour. Annou pa oublie ki zanfan i aprann par legzanp. I malere ki zanfan Seselwa pa'n zanmen kapab pran legzanp lo zot bann lider politik.

Bann prezidan Sesel depi koudeta pa'n zanmen kapab

gard zot ve maryaz. Sa set aköz zot pa'n zanmen pran okenn ve o-serye. Zot ti sermante pour defann konstiti-syon me apre komet traizon atraver koudeta. Zot lavi prive osi in en refleksyon zot mank senserite. Zot bann aksyon i la pour tou dimuon trouve. Marye de fwa, divors de fwa; remarye ankor. Sa ti'n vin en lanmod ki'n kout pei ser. Pa bezwen al lwen pou konpran aköz sa dekadans sosyal dan nou pei ozordi.

Erezman ozordi nou annan en prezidan ki kapab vin en legzanp pour nou zenn. Prezidan Ramkalawan in prouve ki in kapab man-tinir son ve maryaz, son ve pastoral e son ve pour an-menn lademokrasi dan Sesel. Alafen, nou zenn ava kapab swiv legzanp zot dirizan e lo nivo enternasyonnal Sesel ava aret ganny reprezante par bann sef deta zigolo.



Prezidan e son fanmir

Reflesi avan kritike



Remire: parti lanpir Prezidan Rene

Lider Lopozi-syon in demontre ki son memwar i tre kourt. In pran latitud kritike zis pour-vi i pe kritike. Son douler i lo depans ki Prezidan Ramkalawan pe fer koman sef deta. In bliye pou dir sa boubou ki gouvènmman US in kite lo lapo Seselwa i ankor o-vif. Nou tou nou konnen ki ekstravagans bann pre-deseser Prezidan Ramkalawan in fer.

Prezidan Rene ti al lapes lo bann zil elwanye tou le semenn e bato gard lakot ti bezwen akonpanny li partou. I ti

annan lakaz lo plizyer zil elwanye. En kantite larzan in osi ganny depanse pou fer bann batiman lo plizyer zil ki pa'n zanmen fini. Ler i degoute, i donn lord arete. Pa bezwen al lwen; lo Mahe ti annan proze Gran Kolez e lo La Digue ti annan lakaz dan ros Anse Source d'Argent. Tousala zis larzan leta gaspiye. Lo zil Remire ti parey en kan larme; solda ti reste laba an permanans pou garanti lanpir Prezidan Rene. Annou pa bliye ki Prezidan Rene ti annan son prop bato e son prop avyon. Gemini ti son bato personnel ki ti ganny okipe par Gard Lakot. Abor ti annan en lasanm deliks zis pour li. I ti osi annan son avyon: en 'Cita- (kontinyasyon lo paz 2)

Fer ou Lasante ou Responsabilite



Tou sitwayen lemond in realize ki limanite pou bezwen viv avek sa sitiasyon Kovid-19 pour bokou letan ankor. Se pour sa rezon ki tou pei pe met lanfaz lo vaksinasyon e bann prekosyon endividuel pour kapab sirmont sa defi e kontinyen fer nou bann aktivite ekonomik e sosyal anba sa kondisyon ki nou apel nouvo normal. La realite pe demonstre ki menm si gouvènmant i met vaksen a laporte tou sitwayen, i toultan annan en group ki pa pou pran. Isi Sesel, nou pa diferan e i annan en group Seselwa ki pa oule pran vaksen. Parey dan lezot pei, i annan sitwayen ki deside pa swiv bann konsey medikal. Zot kontinyen groupe, pa met mask e pa pran prekosyon medikal. Sa bann konportman i prezant en defi enorm pour bann profesyonnel lasante. Plis ki zanmen, tou lotorite dan pei i devret pe promouvwar lasante koman en responsabilite

endividuel pour ankouraz tou dimoun sirmont bann defi.

‘Ou lasante, ou responsabilite’ pa en tenm ki nouvo gouvènmant fek entrodwir. Sa en

vye kanpanny ki gouvènmant dirize par US ti lanse apre ki zot ti realize ki en gouvènmant pa pou kapab pran responsabilite endividuel sitwayen. O-komansman zot ti krwar pou dir leta ti kapab garanti byennet tou sitwayen ‘from the cradle to the grave’ me zot ti tronpe.

Malerezman, nouvo lider US i ankor krwar dan sa vye filosofi kot leta i pran responsabilite lasante tou sitwayen. Malerezman, sa filosofi pa ede dan sa sitiasyon pandemi

ki nou ladan. In ler pour lider US rekonnèt sa e azir dan en fason responsab; sirtou koman en profesyonnel lasante. Apre tou, in ler pour li met son lekor azour avek bann diferan sanzman polisi dan son prop parti.

Gouvènmant LDS pour kontinyen garanti ki servis lasante i disponib e aksesib a tou Seselwa me gouvènmant pa pou zanmen kapab pran plas okenn sitwayen kot i konsern zot responsabilite vizavi zot lasante.

Parti US in pri dan politik lepase

Iannan dimoun ki vremen an retar dan politik Sesel. Zot lespri i ankor kwense dan lasanm lepase e zot pe esey kopye politik zot Per Fondater san realize ki lepok in sanze. Nou pe viv dan en lepok kot teknolozi i permet tou dimoun retourn dan listwar san gran zefor. Nepli letan pou dir e ekri nenport kwa ler zouti resers i a laporte tou dimoun.

Sa lenpresyon ki US pe donnen konmkwa lamazorite later ti dan lanmen etranze avan koudeta i totalman fo. Sa ki vre se ki



ti annan ennde gran popriyeter later ki ti Seselwa e gouvènmant SPUP/SPPF ti pran later sa bann popriyeter dan en fason ilegal; annefe bokou later ti ganny pran avek lafors. Ti annan lezot fason pli amikal ki ti kapab ganny servi pou anmenn en redistribisyon later pli ekitab dan Sesel me Albert Rene ti deside fer li dan son fason brital. SPUP/SPPF ti determinen pou elimine bann swadizan ‘gran blan’ ki ti popriyeter sa lepok. Me ki nou’n vwar apre plis 40-an ki bannla in o-pouvwar?

In sertennman annan en nouvo kalite gran blan: bann ki’n ganny later e menm zil pour en roupi, bann ki’n aste later dan park nasyonal pour pistas e bann ki’n aste dis arpan pour mwens pistas ankor. In osi annan bokou etranze ki’n aste later e zil

Sesel plis ki zanmen avan anba rezim SPUP/SPPF. Ozordi zour, menm gouvènmant i bezwen reste vizilan pou fer sir ki sa bann etranze pa anpes Seselwa zouir zot leritaz. Akse avek lans par Seselwa i reste en defi gras a en gouvènmant SPUP/SPPF ki’n irresponsab dan lepase. Pa bezwen fer resansman pour konnen ki si ti napa en sanzman gouvènmant dan sa pei, plis later e nasyonalite ti pou al pour etranze.

I osi annan en keksoz ki US i bezwen ganny kler. Ozordi loportinite pour fer larzan avek lapo kannel i pour tou Seselwa. Bann antreprenen i annan swa: zot fer larzan avek lapo kannel oubyen zot zve viktim parey Dokter Herminie ti a swete zot fer. Malerezman pou gro dokter, Seselwa in deside al rod dolar pou amelyor zot lavi.

Reflesi avan kritike

tion V jet’. Li ki ti lanperer dan sa pei.

Ler Msye Rene ti deplase, i ti akonpannyen par en brigad zonn parey lesenmous dimyel. Ladan ti annan solda koman sekirite e son bann travayer prefere enkli kwizinyen, dalon lakas, dalon bwar ensidswit; tousala peye par leta. Son sikseser pa ti tro diferan. Li osi i ti komans annan lakaz lo zil e trenbal son brigad partou kot i ale. I ti menm annan en endividi ki ti responsab pou mars avek son ver e son delo partou kot i

ale.

Depans ki bann prezidan US ti fer lo ledò Seselwa ti enkrwayab. Lanmwatye larme ti vey zis zot; solda ki ti fer zot bann lakaz e lakaz zot bann galan. Tou zot bann bezwen ti ganny aste atraver bidze larme e ti menm annan zofisye sinyor larme ki ti ganny servi koman travayer domestik kot zot lakour.

US in toultan dir: ‘Ler ou reste dan lakaz an vit, pa anvoy ros’. Zot nepli pran zot prop konsey.